



Gramin Krishi Mausam Sewa
India Meteorological Department
Department of Agriculture Govt. of Nagaland,
Kohima



Agromet Advisory Bulletin

Date : 14-06-2022

MOKOKCHUNG(Nagaland) Weather forecast of - issued on :2022-06-14 (Valid till 8:30 IST of the next 5 Days)

Parameter	2022-06-15	2022-06-16	2022-06-17	2022-06-18	2022-06-19
Rainfall(mm)	26.0	27.0	51.0	42.0	25.0
Tmax (°C)	27.0	28.0	28.0	28.0	29.0
Tmin (°C)	19.0	19.0	19.0	21.0	21.0
RH I (%)	98	99	99	100	100
RH II (%)	85	96	98	97	85
Wind Speed (kmph)	3.8	3.9	3.7	2.7	3.9
Wind Direction (Degree)	160	158	150	162	158
cloud cover (Octa)	8	8	8	8	8

Weather Summary/Alert:

"June 19th tashi nung tsünglu timba (25-51 mm) tashi arutsü takzur. Anüing mepeti sübanger alitsü. Anüingdang average temperature 28°C aser aonung average temperature 20°C tashi atutsü. Mopung nung tzü aliba (relative humidity) anepdang noklang shilem nung 99% aser nikongdang noklang shilem nung 92% alitsü. Mopung ghondaa ka nung 3.9 km tashi anüdoklentip nungi timba aontsü. District küpok tesem kar nung June 14th nung tsüngmokmoka tsüingi laa mopung ona tsünglu arutsü; June 15th aser 18th tashi nung tsünglu tashi-i arutsü takzur, anungji saksalema liang. June 19th nungi 25th tashi Nagaland, Manipur, Mizoram aser Tripura Subdivision nung tsünglu 25.19 mm tashi arutsü, temperature anüingdang 29.36°C alitsü aser temperature aonungji 23.35°C alitsü takzutetter."

General Advisory:

"• Aruya aliba anogotem tsüingsang mopung takzuba dak sendakba nung item inyaktsüla: • Kilentsü junga agutsütsütsüla. • Tazung nung melaotsü atema ali soluktsütsüla. • Tsünglu tzüi ali punger oadoka teratem temai adoka lira, tsünglu aruba anener külenbo tazung meküta ali mesüra mol agutsütsüla iba ajanga teraji makongtsü aser tetongtemji mekangshitsü/masütsü. • Alu nung anogo ishika atema mozütemji masemtsüla. • Kiojen tejen mesüra junga masübatem nung akok nungbo item atalokdangbo mejenoktsüla. • Mapang aben tsüingsang majungdang tzü atsüngdenba tesem mesüra anentsü aluba tesem nungbo maotsüla."

SMS Advisory:

District küpok tesem kar nung June 14th nung tsüngmokmoka tsüingi laa mopung ona tsünglu arutsü; June 15th aser 18th tashi nung tsünglu tashi-i arutsü takzur, anungji saksalema liang.

Crop Specific Advisory:

Crop	Crop Specific Advisory
RICE	(Tzülü): Asembe lungteta aluji tusatsüla. Nashi mol tzülü acre ka nung tonne ana sür tesadang nungi tonne pongu tashi inoker meyoaktepsü. Iba sulen tzu mesua yoker ali nungi inch ka tashibo tzuji anogo ana mesura asem tashibo lidaktsütsüla. Iba ajanga ali tusabaji anepa kumdaktsür. Iba sulen ali tanep kuma tusatsüla.
GINGER	Süngmok lu mesüra Süngmok atemba tesem nung tsünglu arudang tzü matsüngdentsü atema kilentsü junga agutsütsüla. Iba ajanga Süngmok shizukaa aoba tashidak nungi kumzuktsü, aser ali tamüjia tsünglu tzüi punger moui soitsü aser tema aliba süngmokji ali temai madokdaktsütsü.
MAIZE	(Menti) Tepen atangba mapang: Tsünglu sashia marudang tashidaki menepa aliba menti tong mesüra tuoh tembo rakzüker rongdoktsüla . Iba ajanga mesen tamajungtemji alu nung ajemdaktsür, kodang tsünglu tzü-i tashidak aketabatem menti nung kongshidir, tashidakji tali renlokaktsür. Menti tepen punge tejang atangba mapang nung kilentsü junga agutsütsüla. Kechiaser iba mapang nung menti tong laotsü mela melar aser tzü talila aliba ajanga tejang junga matangsü.
CUCUMBER	Aruya aliba anogotem nung tsünglu arutsü takzunung zingi achitsü yarir tembo agizuker ayutsüla. Zingi metanga ayuba aoutemji melaotsü atema repringshia anepbalurtsüla. Zingi lenden nung tema alibatem tesem nung tzü matsüngdentsü atema kilentsüjunga yanglutsüla. Meseni laa aliba zingitembo ongen tur 0.5 metre tarok nung aremtsüla.

Horticulture Specific Advisory:

Horticulture	Horticulture Specific Advisory
TOMATO	Aruya aliba anogo tsünglu arutsü takzunung, bengana lu nung kilentsü junga agutsütsüla aser tepen punge tejang tanga aliba tetongtemji tsünglu tashi-I arudang melaotsü/ benganatemji lishi agi meraktsü atema tagitsüla.
VEGETABLE CHILLI	Aruya aliba anogotem nung tsünglu arutsü takzunung, mersü ongzuka ayutsü aser akok tashi kilentsü junga agutsütsüla. Mersü mapang shitak nung ongzukba ajanga mersü junga atangsü. Ongzukdang tashidak agi menepba aliba mersü tongtembo atsüteter rongdokba ajanga tashidak ajemdaktsütsü.
COLOCASIA/TARO	Tashidaki menepba aliba manü tetongtembo atsütettadoktsüla. Manü lu nung mapangshia tashidaktemji repringshia alitsüla iba ajanga alu nung renloka maotsü.
TAPIOCA	Pongalashi lu nung mesüra Pongalashi atemba tesem nung tsünglu arudang tzü matsüngdentsü atema mesüra ali tamüji tsünglu tzüi punger moui soitsü atema kilentsü junga agutsütsüla. Alishi temer ita asem tashibo alishi lu nung ai mayutsüla.
ORANGE	Tang mapang nung naring tazung nung süngkup jepsar angutsü. Anungji iba tesem meruktet nungbo tapok alitsü. Iba mesen merendaktsütsü atema, methi petrol nung metener tapokji nembangtsü mesüra kerosene ml ter tapok nung inoktsü.
BANANA	Sumomo tetong Bunchy top tashidaki timtemtsü akok. Sumomo tetongji rajang akumtsü, naroji-a mapangtsü ano sumomo-a matangsü akok. Yimala tashidakji angu nungbo lepar rongdoktsüla. Mesüra Rogor mozü tzü litre ka nung 2ml meyoaktepber arüktsüla. Yimala tashidak aliba tesem nungbo mesüra iba tashidak agi memeneptsü atema sumomo lu nungbo bengana, mersü, zingi aser loli matemtsüla.
CARDAMOM	Elaichi tong temer kulen kum 3 majungba plantation tem nungbo iba ita nung ai meruktettsüla. Aser tetong kangadang nungtepba alir tashibo tera tapu küma rakzukadoktsüla. Iba ajanga mopung aser anü junga puloktsü aser naro jenti apungtsü aser elaichi mela mela agizuktettsü.
COFFEE	(Coffee) Tazung meküta touh taru soluker alibaji meruktettsüla, iba ajanga mei mapang nung tazung temekutji kanga tayi malitsü.

Live Stock Specific Advisory:

Live Stock	Live Stock Specific Advisory

Live Stock	Live Stock Specific Advisory
PIG	"Aak techanu tanga nungi bener arua pokdang ita 1-3 tashibo kidang kiya aliba aak den külemi mayutsüla aser iba mapang nung tashidak keta ali mali itemji repringtsüla. Kechiaser aak tasen jagiang tashidak tasen menar arutsü akok aser iba jagi kidang aliba aak nung mendaktsütsü. Tangar farmi mashi maitdaktsütsüla, aak tashiita alitsü atema minerals aser vitamins mozü agutsütsüla. "

Fisheries Specific Advisory:

Fisheries	Fisheries Specific Advisory
COMMON FISH	Ango tsübu nung aitemji agitetta indoktsüla. Kodang anogotem mepeti sübanger lidir ango tsübu nung ai talila renlokba ajanga ango atema mopung tajungji ajemdaktsür aser angotemji kangshidaktsür. Mei mapang nung ango tsübu nung tzü metsüngbanga atura, nylon agi yangluba net amshia ango tsübu temeküt nungji mesanga ayutsüla iba ajanga mesüa aliba angotemji jena maotsü.

Poultry Specific Advisory:

Poultry	Poultry Specific Advisory
CHICKEN	Mopung nung tzü shilem tali lir (Humidity) iba ajanga aantemji coccidioid al tashidaki timtemtsü akok (Tepuk aotsü, chi mepangnangtsü, tashikang alilen alitsü). Anticoccidial mozü agutsütsüla. Tzü temeruk mapangshia agutsütsüla aser aak ki kongkonga merüka ayutsüla.

Apiculture Specific Advisory:

Apiculture	Apiculture Specific Advisory
Apiculture	Tsünglu timba arutsü takzunung ninang tesep aliba box shia tsünglu tzü nungi kumzuka ayutsü anepbalutsüla. Ninang box nung shinü tilala koba dang wax moth ajar iba jagi entsü koa mesen tilala apoker. Wax mothji ninang atema tsükchir rongnung tamajungtiba lir. Balaka colony tilatem nung iba mesenji kanga mela mela renloker. Anungji iba mesen renloka maotsü atema mapang aben ninang boxji anepbalua merüktetta ayutsüla.